

Perlis negeri pertama persinggahan

UM 11/10/03

KANGAR 10 Okt. — Perlis menjadi negeri pertama persinggahan Konvoi Keamanan Bermotor Jelajah Keamanan Rakyat Malaysia (Aman Malaysia) dalam misi menyampaikan suara rakyat Malaysia untuk mengembalikan keamanan dan menolak penindasan di Iraq dan Palestin.

Konvoi membabitkan

100 peserta yang menunggang 57 motosikal berkualiti tinggi yang diketuai anggota Exco Pergerakan Pemuda UMNO, Datuk Abdul Raof Yusoh tiba di Dataran Datuk Sheikh Ahmad di sini kira-kira pukul 9 malam tadi.

Ketibaan mereka disambut oleh Pengerusi Jawatankuasa Tanah, Perhutanan dan Alam Sekitar negeri, Mohamed Hadzi

Nordin yang mewakili Menteri Besar Perlis, Datuk Seri Shahidan Kassim serta penduduk tempatan.

Konvoi tersebut dilancarkan oleh Timbalan Perdana Menteri, Datuk Seri Abdullah Ahmad Badawi di Pusat Dagangan Dunia Putra (PWTC), Kuala Lumpur, semalam.

Pada majlis itu, Abdul Raof yang juga Ketua Pergerakan Pemuda UMNO



People's Alliance for Peace Malaysia
Pergerakan Keamanan Rakyat Malaysia

Bahagian Bukit Bintang, membacakan Memorandum Rayuan Keamanan Kedua sebelum ditandata-

Konvoi Keamanan Bermotor

ngani dan diserahkan kepada Mohamed Hadzi.

Ketika ditemui pemberita, Abdu; Raof berkata, konvoi itu bertujuan mendapatkan perakuan rakyat melalui kutipan tanda tangan sepanjang perjalanan mereka sempena Sidang Kemuncak Pertubuhan Persidangan Islam (OIC) ke-10 di Putrajaya bermula esok hingga 18 Oktober ini.

Menurut beliau, kutipan tandatangan itu akan diserahkan oleh Penaungannya, Datuk Hishammuddin Tun Hussein kepada Perdana Menteri, Datuk Seri Dr. Mahathir Mohamad selaku Pengerusi bagi persidangan tersebut menerusi Menteri Luar, Datuk Seri Syed Hamid Albar, Ahad ini.

Menurut beliau, konvoi tersebut merupakan kesi-

nambungan dari projek serupa itu yang dijalankan sempena Persidangan Negara-Negara Berkecuali (NAM) yang diadakan di Kuala Lumpur, Februari lalu.

“Pada projek tersebut, kita berjaya mengumpulkan sebanyak 2.5 juta tanda tangan daripada seluruh rakyat Malaysia yang cintakan keamanan,” katanya.

Bagaimanapun, tambah beliau, bagi projek kali ini, pihaknya tidak menetapkan sebarang sasaran kutipan tanda tangan memandangkan tempoh penjelajahan itu terlalu singkat.

Konvoi itu seterusnya bergerak ke Alor Star hari ini sebelum meneruskan perjalanan ke Pulau Pinang esok.